



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imagines Sanctorvm Ord. S. Benedicti

Stengel, Carl

[Ort nicht ermittelt], M.DC.XXV

XII. Octobris. S. Simpertvs.

urn:nbn:de:hbz:466:1-38356

SIMPERTVS Amberto Duce & Symphoriana Pipini Regis filiâ natus, le-
 cillimos quamuis parentes virtutis laude superauit. Puer in Murbacense
 cœnobium erudiendus datus, pietatem & litteras gnauiter coluit, quâ refa-
 ctum, vt Abbate defuncto, consentientibus fratrum votis sublegeretur. Cùm
 verò Carolus Magnus Augustam superiorum temporum iniuriâ, Boicis præ-
 fertim bellis, magnopere vexatam & afflictam, instaurandam, ciues recreandos
 ornandosq; suscepisset, quod ecclesiæ sedes iam diu vacaret, SIMPERTVM illi,
 quem angelicam vitam inter homines ducere creberrima signa testarentur,
 approbante summo Pontifice, dedit Episcopum. Quo illè munere per omnia
 egregiè functus, spem de se conceptam abundè impleuit. S. Afræ basilicam ad
 ipsam urbem, flammis absumptam, & in alpium faucibus S. Magni monaste-
 rium disiectum restituit. Diœcesim Leonis III. Pont. & Caroli Imp. auctori-
 tate vltra Lycum, eius enim tum alueo finiebatur, longè in Boicam extendit. Or-
 dinationis anno trigesimo IV. Id. Octobr. spiritum Deo reddidit, cui quam-
 charus vixerit, multa post obitum quoq; ostendère miracula. Vnum inter
 cetera, rapuerat puerulum lupus, mater dolore exanimata, SIMPERTVM apud
 Deum intercessorem inclamat, & ecce post horas iam aliquot, fera infantem il-
 læsum refert, ipsa in nemorum latebras, tanquam magni sibi facinoris conscia,
 trepida refugit. Posteritas rem memoriæ commendauit, addito præsu-
 lisim agini lup o puerum ore ferente. Ex

SS. Aug.

S. SIM-



S. SIMPERTVS EPISC. AVGVST.
ORD. S. BENED.

*Redde suum. dulci pignus. fera saria parenti,
SIMPERTVS tubet hoc: en Lupa paret oui.*

M-